

**Uunga siunnersuut: Inatsisartut Inatsisaat nr. xx, xx 2017-imeersoq Inatsisartut inatsisaannik Nunaoil A/S-imik pillugu allanngineq**  
(Aatsitassanut Ikummatissanullu Naalakkersuisoq)

**Akissuteqaat**

(Aatsitassanut Ikummatissanullu Naalakkersuisoq)

**Aappasaanerinninnermi oqaaseqaat**

Naalakkersuisut sinnerlugit Inuussutissarsiornermut Aatsitassaqaarnermullu Ataatsimiititaliap isumaliutissiissutaanut qujaffigerusuppakka. Naalakkersuisut iluarisimaarinnillutik maluginiarpaat, ataatsimiisitaliami amerlanerussuteqartut siunnersuut akuerisassanngorlugu ingerlateqqimmasuk.

Naalakkersuisut maluginiarpaat, ataatsimiisitaliami ilaasortaasup ikinnerussuteqartup piumasarigaa aalajangiuteqqallugulu inatsisitigut piunasaqaataassasoq, pisortaasoq siulersuisunilu ilaasortat immikkut ikummatissanik misissuinermit pīaanermullu tunngassuteqartunik ilisimasaqartuussasut.

Naalakkersuisut siunnersuut oqaaseqaatillu innersuussutigissavaat, tassani takuneqarsinnaammat siunnersuummi inatsisaareersoq suli aalajangiusimaneqarmat, tassa siulersuisut taamatullu pisortaasup ilisimasai inatsiseqarnermut, aningaasaqarnermut, inuussutissarsiornermullu tunngassuteqartuni takussutissartalimmik qaffasissumik uppersarneqarsinnaasumik inissisimassasoq.

Naalakkersuisut tatigaat, ataatsimeersuarnermi siulersuisunik piginnaasaqarluartunik toqqaaneq ingerlanneqartassasoq, aammalu siulersuisut qaqugukkulluunniit Nunaoil A/S-ip suliqaarnerata qaffasissusaanut naapertuuttumik pisortaasussanik toqqaaniarneq pitsaasumik ingerlassinnaagaat.

Siunnersuutip ajornartortaartinnigilaa, suilersuisunut ilaasortat ulluinnarnilu aqutsisut ikummatissanik misissueqqissaarnernik pīaanernillu ilisimasaqareernissaat. Naalakkersuisulli isumaqarput inatsisitigut tamanna piunasaqaataasariaqanngitsoq. Naalakkersuisut isumaqarputtaaq suliassamut ilisimasaqassuseq inatsiseqarnermut, aningaasaqarnermut inuussutissarsiornermullu tunngassuteqartuni qaffasissumik piunasaqarneq takussutissaqartillugu sulissagaanni naammattoq.

Taamatut oqaaseqarlunga Naalakkersuisut inassutigaat, inatsisissatut siunnersuutigineqartoq taamatut isikkoqarluni ingerlateqqinneqassasoq.